



ԱԶԳԱՅԻՆ ՄՐՑՈՒՆԱԿՈՒԹՅԱՆ ԵՎ ՄԻՋԱԶԳԱՅՆԱՅՄԱՆ ՀԵՏԱԶՈՏՈՒԹՅՈՒՆՆԵՐ

ՀՀ տնտեսական վիճակը
Ամսական տեսություն
(Նոյեմբեր 2017թ)



Հարգելի այցելու,

ՀՊՏՀ «Ամբերդ» հետազոտական կենտրոնի կողմից ներկայացված Ֆինանսական շուկաների վիճակի և զարգացումների ամսական տեսությունը հրապարակվում է ամսական հաճախականությամբ և իրենից

ներկայացնում է ՀՀ ֆինանսական շուկաներում իրականացված գործարքների ամփոփ վերլուծություն: Այն իր մեջ պարունակում համաշխարհային ապրանքային և ֆինանսական շուկաներում տեղի ունեցած գործընթացների ու միտումների ամփոփ տեղեկատվություն: ՀՀ մակրոտնտեսական հիմնական ամսական ցուցանիշների դիտարկում: ՀՀ ԿԲ կողմից դրամավարկային քաղաքականության ընթացքում իրականացված գործառնությունների վերաբերյալ, ինչպես նաև պետական, կորպորատիվ արժեթղթերի շուկաների և միջբանկային շուկաներում կնքված գործարքների վերաբերյալ ամփոփ վերլուծություն:

ՀՊՏՀ «Ամբերդ» հետազոտական կենտրոնի կողմից համաշխարհային ֆինանսական շուկաների զարգացումների վերլուծության նպատակը այս շուկաներում տեղի ունեցող գործընթացները տեսանելի դաշտում պահելն ու դրանց ազդեցությունը ՀՀ եվրոպարտատոմսերի, ՀՀ ներքին ֆինանսական շուկայի և ընդհանրապես՝ երկրի մակրոտնտեսական վիճակի վրա հասկանալն է, ինչը, նկատի ունենալով ազդեցությունների լազային(ժամանակային առումով խզված) բնույթը, կարևոր է մեր տնտեսության համար ապագա զարգացումների կանխատեսման տեսանկյունից: Մյուս կողմից՝ համաշխարհային կապիտալի շուկաներում ներդրողներ են նաև ՀՀ սուբյեկտները(ԿԲ, կենսաթոշակային ֆոնդեր, այլ ինստիտուտներ և անհատներ), ինչը ևս կարևոր է դարձնում այստեղ ընթացող զարգացումների վերլուծությունը: Այս՝ ամսական պարբերականությամբ հրապարակվող տեսությունը ամփոփում է ՀՀ եվրոպարտատոմսերի, համաշխարհային ապրանքային(մետաղներ, էներգակիրներ, պարենային ապրանքներ), արժույթային(դոլարի ինդեքս, եվրո, ՌԴ ռուբլի) և կապիտալի(զարգացող և զարգացած երկրների ֆոնդային ինդեքսներ և պետական պարտատոմսերի եկամտաբերություններ) շուկաներում տեղի ունեցող զարգացումների վերլուծությունը: Ամսական տեսությունը հիմնվում է Investing.com հարթակի հրապարակած վիճակագրության վրա, իսկ վերլուծությունների հիմքում Reuters գործակալության տեղեկատվական ու վերլուծական հրապարակումներն են և սեփական դիտարկումները: ՀՀ սոցյալ տնտեսական վիճակի հետ կապված հիմնական ցուցանիշների ներկայացումը նպատակ ունի ներկայացնել ՀՀ տնտեսական ակտիվության, տնտեսության հիմնական ճյուղերի զարգացումների, սպառողական և արդյունաբերական գների ինդեքսների, արտաքին ապրանքաշրջանառության և բնակչության միջին ամսական աշխատավարձերի ընդհանուր միտումները, ինչը թույլ է տալիս գնահատել Ֆինանսական շուկաների վրա մակրոտնտեսական և սոցյալ-տնտեսական ընդհանուր վիճակի ազդեցությունները: ՀՀ ԿԲ դրամավարկային քաղաքականության շրջանակներում ներկայացված են ԿԲ կողմից կիրառվող անուղղակի գործիքների կիրառումը, դրանց շրջանակներում իրականացված գործարքները, ինչպես նաև դրամական զանգվածի կառուցվածքը և դրանում իրականացվող փոփոխությունները: ՀՀ արտարժույթի շուկայի հետ կապված ներկայացված են ԱՄՆ դոլարի, Եվրոյի, ՌԴ ռուբլու բորսայական, արտաբորսայական, ներբանկային և միջբանկային գործարքները, ինչպես նաև ՀՀ ԿԲ կողմից

արտարժույթի շուկայում իարկանացված գործառնությունները: Արժեթղթերի շուկայի վերլուծությունը բաղկացած է պետական և կորպորատիվ արժեթղթերի շուկաների հետ կապված դիտարկումներից: Պետական պարտատոմսերի շուկայի հետ կապված ներկայացվում են առաջնային շուկայում դրանց տեղաբաշխումները, ՀՀ ֆինանսների նախարարության կողմից իրականացվող հետգնումները, բորսայական և արտաբորսայական շուկաներում կնքվող գործարքները, գործակալ բանկերի կողմից բորսայական գնանշումները, ինչպես նաև պետական պարտատոմսերի եկամտաբերության կորերի փոփոխությունները: Կորպորատիվ արժեթղթերի շուկայի հետ կապված ներկայացվում են բորսայական և արտաբորսայական տեղաբաշխումները, բորսայական շուկայում կնքված գործարքները, դրանց շուկա ստեղծողների գնանշումները: Միջբանակային շուկայի վերլուծությունն իրենից ներկայացնում են միջբանակային վարկային, սվոփ և ռեպո շուկաների ամփոփ դիտարկումներ:

Ամբերդ հետազոտական կենտրոնի կողմից ֆինանսական շուկաների վիճակի և զարգացումների վերաբերյալ հրապարակվող ամփոփագրի տեղեկատվական հիմքերն են ՀՀ ֆինանսների նախարարության, ՀՀ Կենտրոնական Բանկի, ՀՀ Ազգային վիճակագրական ծառայության, ՆԱՍԴԱՔ ՕԷՄԷՔՍ Արմենիա ԲԲԸ հրապարակումները և վիճակագրական աղբյուրների բազաները: Ձեզ ներկայացվող վիճակագրական աղյուսակների, գծապատկերների և ներկայացվող տվյալների մի մասը նշված մարմինների կողմից օրական կտրվածքով հրապարակվող տվյալների համախմբման արդյունք են:

Սույն վիճակագրական նյութերը, վերլուծությունները և դիտարկումները ՀՊՏՀ Ամբերդ հետազոտական կենտրոնի մտավոր սեփականությունն են և դրանցից օգտվելու դեպքում հղումը կենտրոնի կայքին պարտադիր է:



«Ամբերդ» հետազոտական կենտրոն

Երևան, Նալբանդյան 128, թիվ 3 մասնաշենք Հեռ.՝ (+37410) 593-479 Էլ. հասցե՝ info@amberd.am


Բովանդակություն

1.Տնտեսական ակտիվություն և գնաճ.....	4
2.Հիմնական ճյուղերի զարգացումներ.....	13
3.Արտաքին առևտուր	17
4.Միջին աշխատավարձ.....	21
5.Պետական ֆինանսներ.....	23
Հավելված.....	26

1. Տնտեսական ակտիվություն և գնաճ

2017թ-ի նոյեմբեր ամսին ևս ՀՀ-ում արձանագրվել է տնտեսական ակտիվության բարձր ցուցանիշ: Նախորդ ամսվա նկատմամբ թողարկման իրական ծավալը, ճիշտ է, նվազել է 11 տոկոսով(սեզոնային զարգացումների ազդեցության ներքո), սակայն նախորդ համադրելի ժամանակաշրջանի նկատմամբ աճը կազմել է **9.2 տոկոս:** 2017թ-ի հունվար-նոյեմբեր ամիսներին նախորդ տարվա համադրելի ժամանակաշրջանի նկատմամբ թողարկման իրական ծավալի աճը հասել է **7.3 տոկոսի:** Նախորդ տարվա նկատմամբ բարձր ցուցանիշը պայմանավորված է ծառայությունների, առևտրի և արդյունաբերության և ճյուղերում գրանցված կտրուկ աճով, իսկ նախորդ ամսվա նկատմամբ անկումը՝ գյուղատնտեսության և ծառայությունների ոլորտներով:

Գծապատկեր 1 Տնտեսական ակտիվության ցուցանիշի դինամիկան 2017թ-ի մարտ-նոյեմբեր ամիսներին, նախորդ ամսվա նկատմամբ¹




¹Այս և մյուս գծապատկերներում նախորդ ամիսների ցուցանիշներից որոշները ճշգրտված են՝ պայմանավորված ՀՀ ԱՎԾ կողմից նախկինում ներկայացված տվյալների հետագա ճշգրտումներով:

Նախորդ տարվա նույն ամսվա նկատմամբ տնտեսական ակտիվության ցուցանիշի դինամիկան այս և նախորդ ամիսներին հստակ արտացոլել է բազային էֆեկտը: Այսպես, 2016թ-ի նոյեմբերին նախորդ տարվա նույն ամսվա նկատմամբ ՏԱՑ-ը բարելավվել էր 10.6 տոկոսային կետով, իսկ այս տարվա նոյեմբերին նախորդ ամսվա նկատմամբ դանդաղումը կազմել է 8.4 տոկոսային կետ:

Նախորդ ամիս աճի տրենդից կտրուկ շեղված, և այս ամսին տրենդին վերադարձած ՏԱՑ-ի դինամիկան դժվար է բացատրել ամբողջական պահանջարկի կամ առաջարկի գործոններով՝ առավել ևս, տնտեսական ֆունդամենտալներով: Այս դինամիկան, ամենայն հավանականությամբ, արդյունք է վիճակագրական տվյալների հաշվառման համակարգի անկատարությունների՝ հատկապես գյուղատնտեսության ոլորտում(հոկտեմբերին գյուղատնտեսությունը նախորդ տարվա նույն ամսվա նկատմամբ աճել էր 34.7 տոկոսով):


Գծապատկեր 2 Տնտեսական ակտիվության ցուցանիշը նախորդ համադրելի ժամանակաշրջանի նկատմամբ, 2017թ-ի մարտ-նոյեմբեր ամիսներին



Նոյեմբեր ամսվա նախորդ տարվա նույն ամսվա նկատմամբ ՏԱՑ-ին ամենամեծ նպաստումն է ունեցել ծառայությունների ոլորտը(7.1%-ային կետ), որին հաջորդում են առևտուրը(2.4%-ային կետ), արդյունաբերությունը(1.8%-ային կետ) և վերջին ժամանակներս առաջին անգամ՝ շինարարությունը(0.6%-ային կետ):

2016թ հունվար – նոյեմբեր ամիսների նկատմամբ ՏԱՑ-ին ամենամեծ դրական նպաստումն ունեցել է ծառայությունների ոլորտը, որին հաջորդում են արդյունաբերությունը և առևտուրը:


Գծապատկեր 3 Հիմնական ճյուղերի նպաստումները 2017թ նոյեմբեր ամսվա տնտեսական ակտիվության ցուցանիշին նախորդ համադրելի ժամանակաշրջանի նկատմամբ, տոկոսային կետ²



Հաշվետու ամսին սպառողական շուկայում գնաճը շարունակել է արագացել է՝ ինչպես նախորդ ամսվա նկատմամբ, այնպես էլ 12 ամսյա: Հոկտեմբերի նկատմամբ սպառողական ապրանքների և ծառայությունների գներն աճել են 2 տոկոսով՝ արագանալով 1.2 տոկոսային կետով, իսկ 12 ամսյա գնաճը կազմել է 2.2 տոկոս՝ արագանալով 1 տոկոսային կետով:


²Նպաստումների հաշվարկն իրականանցվել է մեր կողմից, հիմք ընդունելով 2016թ ՀՆԱ-ում հիմնական ճյուղերի ունեցած կշիռները: Այլ գործոնները ներառում են տնտեսության կառուցվածքային փոփոխությունների և ՏԱՑ-ի ու ՀՆԱ-ի հաշվարկման մեթոդաբանական տարբերությունների պատճառով առաջացած շեղումը:

Գծապատկեր 4 Սպառողական գների ինդեքսի դինամիկան 2017թ-ի մարտ-նոյեմբեր ամիսներին, նախորդ ամսվա նկատմամբ



Նախորդ ամսվա նկատմամբ գնաճին առավելապես նպաստել են սննդամթերքի և ոչ ալկոհոլային խմիչքների գների 4.2 տոկոս աճը(նպաստումը՝ 1.7%-ային կետ), իսկ 12 ամսյա գնաճին՝ կրկին նույն ապրանքախմբի գների 5 տոկոս աճը(նպաստումը՝ 2%-ային կետ):


Գծապատկեր 5 Խոշորացված ապրանքախմբերի նպաստումները 2017թ նոյեմբեր ամսվա սպառողական գների ինդեքսին 2016թ նույն ամսվա նկատմամբ, տոկոսային կետ³



Հաշվետու ամսին արդյունաբերական շուկայում նախորդ ամսվա նկատմամբ արձանագրվել է 0.7%, իսկ նախորդ համադեղի ժամանակաշրջանի նկատմամբ 3.6% գնաճ՝ նախորդ ամսվա նկատմամբ դանդաղելով 2.8 տոկոսային կետով:


³Նպաստումների հաշվարկը՝ մեր կողմից, հիմք ընդունելով ՀՀ սպառողական գների ինդեքսի հաշվարկման համար խոշորացված ապրանքների և ծառայությունների խմբերի տեսակարար կշիռները՝ վերանայված 2016թ-ին

Գծապատկեր 6 Արդյունաբերական արտադրանքի գների ինդեքսի դինամիկան 2017թ-ի մարտ-նոյեմբեր ամիսներին, նախորդ ամսվա նկատմամբ



Կարելի է փաստել, որ նոյեմբեր ամսին ներքին սպառողական պահանջարկի էական վերականգնումն արդեն իրողություն է, ինչը փաստում են ոչ միայն ավելացված արժեքի արտադրության, այլև գնային փոփոխականները: Ճիշտ է, վերականգնվող գնաճն ավելի շատ պայմանավորված է արտաքին հատվածից եկող գնաճային ազդեցություններով, սակայն ներքին պահանջարկը ևս էական գործոն է:

Գծապատկեր 7 Տնտեսական ակտիվության ցուցանիշը և գների ինդեքսները 2016թ-ի հունվար-դեկտեմբեր և 2017թ-ի հունվար-նոյեմբեր ամիսներին, նախորդ համադրելի ժամանակաշրջանի նկատմամբ




2. Հիմնական ճյուղերի զարգացումներ


Նոյեմբեր ամիսը բնորոշվում է նախորդ համադրելի ժամանակաշրջանի նկատմամբ առևտրի, ծառայությունների, արդյունաբերության ու շինարարության աճով, և գյուղատնտեսության նվազմամբ:

Նախորդ ամսվա նկատմամբ հաշվետու ամսին շինարարության իրական ծավալն աճել է 13.4% առևտրի շրջանառության ծավալը՝ 0.7%, մինչդեռ գյուղատնտեսական արտադրանքի իրական ծավալը նվազել է 53.3%, ծառայությունների իրական ծավալը՝ 8.5%-ով, և 0.3%-ով նվազել է արդյունաբերական արտադրանքի իրական ծավալը:


Գծապատկեր 8 Արդյունաբերական արտադրանքի ծավալի դինամիկան 2017թ-ի մարտ-նոյեմբեր ամիսներին (մլն դրամ)




Գծապատկեր 9 Գյուղատնտեսական արտադրանքի ծավալի դինամիկան 2017թ-ի մարտ-նոյեմբեր ամիսներին (մլն. դրամ)




Գծապատկեր 10 Շինարարության ծավալի դինամիկան 2017թ-ի մարտ-նոյեմբեր ամիսներին (մլն. դրամ)




Գծապատկեր 11 Ծառայությունների ծավալի(առանց առևտրի) դինամիկան 2017թ-ի մարտ-նոյեմբեր ամիսներին (մլն դրամ)



Գծապատկեր 12 Առևտրի շրջանառության ծավալի դինամիկան 2017թ-ի մարտ-նոյեմբեր ամիսներին (մլն. դրամ)



Գծապատկեր 13 Տնտեսության հիմնական ոլորտներում ստեղծված արդյունքի և առևտրի ծավալների ինդեքսները 2016թ-ի հունվար-դեկտեմբեր և 2017թ-ի հունվար-նոյեմբեր ամիսներին, նախորդ համադրելի ժամանակաշրջանի նկատմամբ




3. Արտաքին առևտուր

Նոյեմբեր ամսին նախորդ համադրելի ժամանակաշրջանի նկատմամբ արձանագրվել է արտաքին առևտրի աճի տեմպերի փոքր արագացում՝ ներմուծման ավելի բարձր աճի շնորհիվ: Այսպես, արտահանումն աճել է 23.6, ներմուծումը 34.8, իսկ արտաքին առևտրաշրջանառությունը՝ 31.1 տոկոսով: Արտահանման աճի տեմպը դանդաղել է 1.2, ներմուծման աճի տեմպն արագացել՝ 4, իսկ արտաքին առևտրաշրջանառությանը՝ 2.3 տոկոսային կետով:


Նախորդ ամսվա նկատմամբ դինամիկան այսպիսին է. արտաքին առևտրաշրջանառությունը աճել է 7.3 տոկոսով, ընդ որում՝ արտահանումը աճել է 0.3, իսկ ներմուծումը՝ 9.4 տոկոսով:

Գծապատկեր 14 Արտաքին առևտրաշրջանառության ծավալների 2017թ-ի մարտ-նոյեմբեր ամիսներին (մլն. դոլար)




Հաշվետու ամսին արտաքին առևտրաշրջանառության 12 ամսյա աճին ավելի շատ նպաստել է ներմուծումը, քան արտահանումը: Առաջինի նպաստումը կազմել է 23.8, իսկ երկրորդինը՝ 7.4%-ային կետ:


Գծապատկեր 15 Արտաքին առևտրաշրջանառության ծավալի 12 ամսյա աճին արտահանման և ներմուծման նպաստումները 2017թ-ի նոյեմբերին, տոկոսային կետ



Գծապատկեր 16 Արտահանման և ներմուծման ծավալների դինամիկան 2017թ-ի մարտ-նոյեմբեր ամիսներին(մլնդոլար)



Գծապատկեր 17 Արտաքին առևտրաշրջանառության ցուցանիշների ծավալների հնդեքսները 2016թ-ի հունվար-դեկտեմբեր և 2017թ-ի հունվար-նոյեմբեր ամիսներին, նախորդ համադրելի ժամանակաշրջանի նկատմամբ




4. Միջին աշխատավարձ

Հաշվեքուր ամսին և՛ միջին անվանական, և միջին իրական աշխատավարձի 12 ամսյա աճը նախորդ ամսվա նկատմամբ դանդաղել է: Այսպես, միջին ամսական անվանական աշխատավարձն աճել է 1.45, իսկ միջին իրական աշխատավարձը՝ 0.25 տոկոսով՝ նախորդ ամիս արձանագրված աճից ցածր 2 և 2.3 տոկոսային կետերով:

Նախորդ ամսվա նկատմամբ միջին ամսական անվանական աշխատավարձն նվազել է 0.6, իսկ իրական աշխատավարձը՝ 1.4 տոկոսով:


Գծապատկեր 18 Միջին ամսական աշխատավարձի⁴ դինամիկան 2017թ-ի մարտ-նոյեմբեր ամիսներին (ՀՀդրամ)



⁴Միջին աշխատավարձի իրական աճը հաշվարկվել է մեր կողմից:

Նախորդ համադրելի ժամանակաշրջանի նկատմամբ միջին աշխատավարձի իրական աճի տեմպը փոքր ինչ արագացել է և հասել միջին մակարդակին, որին նպաստում է բազային էֆեկտը(նախորդ տարի ցուցանիշը հակառակ տրենդն է ունեցել՝ ամսվա վերջին մոտենալով զրոյի):


Գծապատկեր 19 Միջին իրական աշխատավարձի աճը նախորդ տարվա նույն ամսվա նկատմամբ



5. Պետական ֆինանսներ


ՀՀ ԿԲ-ում Կառավարության հաշիվները նոյեմբերի վերջին կազմել են 94.252 մլրդ դրամ, որը 2016թ-ի նոյեմբերի ցուցանիշից ավել է 18.8 տոկոսով:

Գծապատկեր 16 ՀՀ Կառավարության հաշիվները ԿԲ-ում, մնացորդ ամսվա վերջի դրությամբ, և 12 ամսյա հավելածի տեմպը




Հաշվետու ամսին ՀՀ պետական պարտքի աճի տեմպը գրեթե պահպանվել է նախորդ ամսվա մակարդակում: Պարտքը դոլարային արտահայտությամբ նոյեմբերին նախորդ ամսվա նկատմամբ աճել է 1.7%, իսկ 2016թ-ի նոյեմբերի վերջի դրությամբ գրանցված ցուցանիշի նկատմամբ աճել 14.45%-ով: Հաշվետու ամսաթվի դրությամբ ՀՀ պետական պարտքում ՀՀ կառավարության պարտքի տեսակարար կշիռը կազմել է 90.39%, իսկ ՀՀ ԿԲ արտաքին պարտքի կշիռը՝ 9.61%:

Գծապատկեր 21 ՀՀ պետական պարտքի, Կառավարության պարտքի և ԿԲ-ի պարտքի դինամիկան 2017թ-ի մարտ-նոյեմբեր ամիսներին, մլն ԱՄՆ դոլար



2017թ-ի հոկտեմբերի վերջի դրությամբ ՀՀ պետական պարտքը դրամային արտահայտությամբ կազմել է 3,102 մլրդ դրամ, որում ներքի պարտքի կշիռը կազմել է 20.12%, իսկ արտաքին պարտքի կշիռը՝ 79.87%:

Գծապատկեր 22 ՀՀ արտաքին պետական պարտքի և ՀՀ ներքին պետական պարտքի դինամիկան 2017թ-ի մարտ-նոյեմբեր ամիսներին, մլրդ դրամ



Հավելված

ՀՀ սոցիալ-փնտրեսական վիճակը բնութագրող ընթացիկ-օպերատիվ ամփոփմամբ ստացված նախնական հիմնական մակրոտնտեսական ցուցանիշները 2017թ. նոյեմբերին, ըստ ՀՀ ԱՎԾ-ի

	Ծափի միավոր	2017 թվականի										
		սեպտեմբեր	սեպտեմբեր 2016թ. սեպտեմբերի նկատմամբ, %	սեպտեմբեր օգոստոսի նկատմամբ, %	հոկտեմբեր	հոկտեմբեր 2016թ. հոկտեմբերի նկատմամբ, %	հոկտեմբեր սեպտեմբերի նկատմամբ, %	նոյեմբեր	նոյեմբեր 2016թ. նոյեմբերի նկատմամբ, %	նոյեմբեր հոկտեմբերի նկատմամբ, %	հունվար-նոյեմբեր	հունվար-նոյեմբեր 2016թ. հունվար-նոյեմբերի նկատմամբ, %
1. Տնտեսական ակտիվության ցուցանիշը	%	X	103.4 [◊]	108.7 [◊]	X	117.6 [◊]	92.6 [◊]	X	109.2	89.0	X	107.3
1.1. արդյունաբերական արտադրանքի ծավալը	վն.դրամ	146 413.6	108.3	104.7	153 179.4	116.5	103.7	153 044.9	111.0	99.7	1 491 375.5	112.3
1.2. գյուղատնտեսության համախառն արտադրանքի ծավալը	վն.դրամ	122 606.7	88.4	136.3	153 166.7	134.7	104.5	76 036.1	97.9	47.7	811 713.8	96.1
1.3. շինարարության ծավալը	վն.դրամ	42 233.8	106.0	102.5	43 983.5 [◊]	106.2 [◊]	100.6 [◊]	49 746.7	106.9	113.4	324 558.1	100.3
1.4. առևտրի շրջանառությունը	վն.դրամ	235 870.1 [◊]	119.2 [◊]	107.7 [◊]	234 781.0 [◊]	119.7 [◊]	98.2 [◊]	242 043.9	122.6	100.7	2 272 476.9	114.4
1.5. ծառայությունների ծավալը (առանց առևտրի)	վն.դրամ	137 422.8	116.2	105.9	140 601.5	122.4	102.4	129 020.8	117.6	91.5	1 311 188.4	114.2
2. Մաշտոտական գների ինդեքսը	%	X	101.0	100.2	X	101.2	100.8	X	102.2	102.0	X	100.8
3. Արդյունաբերական արտադրանքի գների ինդեքսը	%	X	104.1	100.1	X	105.4	100.9	X	103.6	100.7	X	103.9
4. Էլեկտրաէներգիայի արտադրությունը	վն.ԳՎտ.ժ	622.1	105.2	98.3	567.8	95.4	91.3	624.4	100.2	110.0	6 937.4	104.9
5. Մրցիկ ամսական առվանական աշխատավարձը	դրամ	191 377	102.1	100.7	188 524 [◊]	103.9 [◊]	98.5 [◊]	187 914	103.8	99.7	189 631	102.6
5.1. պետական	դրամ	157 133	100.1	97.6	157 508 [◊]	101.1 [◊]	100.2 [◊]	156 563	101.1	99.4	159 270	100.0
5.2. ոչ պետական	դրամ	230 803	102.4	103.2	224 134 [◊]	104.9 [◊]	97.1 [◊]	223 910	104.9	99.9	225 966	103.6
6. Արտաքին առևտրաշրջանառությունը	վն.դրամ	615.9 [◊]	131.2 [◊]	114.4 [◊]	620.4 [◊]	128.8 [◊]	100.7 [◊]	665.5	131.1	107.3	5 784.2	126.4
	մրդ.դրամ	294.6 [◊]	X	X	298.2 [◊]	X	X	323.0	X	X	2 790.4	X
6.1. արտահանում	վն.դրամ	216.5 [◊]	134.1 [◊]	108.5 [◊]	203.6 [◊]	124.8 [◊]	94.0 [◊]	209.7	123.6	103.0	2 013.8	123.5
	մրդ.դրամ	103.6 [◊]	X	X	97.9 [◊]	X	X	101.8	X	X	971.4	X
6.2. ներմուծում	վն.դրամ	399.4 [◊]	129.6 [◊]	118.0 [◊]	416.8 [◊]	130.8 [◊]	104.4 [◊]	455.8	134.8	109.4	3 770.4	128.0
	մրդ.դրամ	191.0 [◊]	X	X	200.3 [◊]	X	X	221.2	X	X	1 819.0	X
7. Դրամի փոխարժեքը ԱՄՆ դոլարի նկատմամբ		478.24	X	X	480.74	X	X	485.36	X	X	482.67	X